

律例館校正洗冤錄

律例館校正洗冤錄總目

卷一

檢驗總論

驗傷及保辜總論

屍格 屍圖

屍 附未埋 已損

洗冤

初檢 覆檢

辨四時屍變

辨傷真偽

驗婦女屍

附胎孕

孩屍

白僵

已爛屍

驗骨

檢骨

辨生前死後傷

論沿身骨脉

滴血

檢地

卷二

毆死

手足他物傷

木鐵等器磚石傷

踢傷致死

殺傷

辨生前死後

自殘

自縊

被毆勒死假作自縊

溺水

辨生前死後

溺井

焚死

辨生前死後

湯潑死

卷三

疑難雜說

屍傷雜說

論中毒

服毒死

辨生前死後

諸毒

意外諸毒

卷四

急救方

救服毒中毒方

治蠱毒及金蠶蠱

辟穢方

律例館校正洗冤錄卷上

目錄

檢驗總論

驗傷及保辜總論

屍格 屍圖

驗屍 附未埋已獲

洗殮

初檢 覆檢

辨四時屍變

辨傷真偽

驗婦女屍

附胎孕

驗屍

白僵

已爛屍

驗骨

檢骨

辨生前死後傷

論沿身骨脉

滴血

檢地

律例館校正洗冤錄卷一

檢驗總論

事莫重於人命。罪莫大於死刑。殺人者抵法固無恕。施刑失當。心則難安。故成招定獄。全憑屍傷檢驗。爲真傷真招服。一死一抵。俾知法者畏法。民鮮過犯。保全生命必多。倘檢驗不真。死者之冤未雪。生者之冤又成。因一命而殺兩命。數命仇報相循。慘何底止。人命重獄。關係匪小。被傷之人。未死以前。全在官司據報。卽時親驗。註明受傷在何要害之處。辨別輕重。立

限保辜醫治。冀其平復。卽死後復驗定抵。可免通身
拆檢之慘。至受傷已死人命。更須卽日相驗。屍未變
動腐爛。傷之輕重分寸。易於執定填格。遲久屍潰肉
化。恐防捏假。溷真。此人命之第一關鍵也。印官帶領
仵作。迅速前往。令作奸犯科之徒。忙中難以措置。相
驗初死之屍。先看頂心髮際耳竅鼻孔喉內糞門。產
戶。凡可納物去處。恐防暗插釘籤之類。無故然後沿
身相驗。若果應檢。須於未檢之先。詳鞠屍親鄰証。兇
犯。令實供明某以何物傷某何處。立明供狀。隨卽親

督吏件帶同兩造齊至屍所。如法檢報。定執要害致命。係在某傷。或見於體膚。肌肉。或已被斷入骨。青紅紫黑顏色。圍圓長短分寸。手足他物兇器。輕重新舊。比對傷痕。件件明白。屍格挨次親手填註。不得假手吏胥。切勿厭惡屍氣。高坐遠離。香烟薰隔。任聽件作喝報。吏胥填寫。以致匿重報輕。減多增少。況人命自縊。自刎。服毒。火燒。水溺。種種致死不同。必細察審視。各情輸服。方成信案。否則件作吏書。作奸舞文。檢驗之後。開兇犯之巧辯。屍親之告發。訟師挑唆。光

棍挾詐。每致獄案難成。別委檢驗。蒸骸剔骨。死者慘遭洗_音。遇生者拖累不堪。是皆檢驗不速不實之弊也。

凡檢驗遇有大段疑難。須更廣爲訪察。庶幾無誤。如鬪毆限內身死。痕損不明。若有病色。曾使醫人師巫救治之類。多因病患而死。若不訪則不知也。然訪察亦不可專任一人。仍宜善使之。不然。適足自誤。

凡人命事情。屍親未曾遠出。不即時告發。而告於一年之外。及不係有服之親。而旁人訐告。及不係正告。

事情而開於粘單之中者。不問虛實。俱不宜妄准。
凡檢屍。雖有親屬乞免檢。亦須察其有無屍首在原
地所。方可領狀。

有隨行吏件。及合干係人。或聲張四鄰。先期縱其走
避。只捉遠鄰。或老人婦人。未及成丁人。塞責。如不
以只所參互審問終難又有行兇人。將切証真供。故
令藏匿。自以親密人。或地客佃客。出官証証。不可不
察。

凡行兇器仗。索之少緩。則行兇之家。藏匿移易。粧成

疑獄。干係甚重。初時必先急爲收索。以憑參照傷痕。

大小濶狹。定驗無差。

或行兇器仗未到。不可分毫增減。防他日糾到異同。

凡檢屍。須先令親屬及鄰保識認。是否本屍。或屍首經久。疥脹腐爛。識認不真。須先問原着甚衣服色樣。有甚記號。及身上有甚疤痕處。令分明立狀。訖方可檢驗。

凡驗狀。須開具屍首原在甚處。如何頓放彼處。四至有何衣服在彼。逐一檢點名件。其屍首有無雕青。鍼灸。癍痕。生前有何缺折肢體。及僵音樓曲。拳跛音樓曲。

青、禿頭、青紫、黑紅色、痣、肉瘤、蹄、踵、諸般疾狀。皆要一一於驗狀聲說開載。以備推勘。及有不得姓名人屍首。後有親屬呈告者。須驗狀証辨。至獄囚軍人無主死人。驗狀尤須詳慎。不可稍有疎畧。

凡上官數批檢問。非以求同。正謂恐有冤抑。相與平反耳。若承委官員。不以人命爲重。或恐前官怨恨。不敢異同。或因犯者富豪。不肯開釋。或觀望上官之批語。以爲從違。或描寫向來之成案。以完已事。倘有毫髮冤情。其罪重於初審。凡委勘人命重事。務須持虛

秉公細加鞠審。蓋同勘一事。須定此事虛實。同勘一人。卽係此人生死。不可有一毫私意於其間也。

致命重傷。當致命要害處。死於登時。或三日之內。原告干証。定執某物毆某處。只宜於所毆之處。檢驗傷痕。旣免死者翻屍。又免生者冤誣。蓋人生自少至壯。或失足磕跌。或疾病捶按。或生瘡被擊。或負重著堅。血不流行。傷輕而新。著骨色紅。日久則消。傷重而久。著骨色青。終身不散。常有原告証人。本說耳根一下打死。而通身檢驗。動輒數十處傷痕。上司以傷痕不

對爲駁詞。問官增毆打情節。爲此對。有左右傷痕。尺寸青紅。不差分毫者。如云毆傷。豈兩手執一般兇器。毆擊時。更無輕重於其間乎。有昏夜醉後羣毆而定。執爲某人打某處。雖毆者亦不能自知其所毆之處。自記其所毆之數。而况證人乎。大抵共毆。只坐毆人。因由檢傷。則重原傷之處。慎無刻舟膠柱。致有冤情。甚勿含糊摸稜。致有岐誤。

凡聚衆打人。最難定致命痕。如死人身上有兩痕。皆可致命。此兩痕若是一人下手。則一人問抵。若是兩

人下手則一人償命。一人不償命。須是兩痕內斟酌得最重者為致命。最重謂先論緊要處。次論傷痕淺深調伏。凡傷處多只指定一痕係要害致命。

凡檢問人命招由多有混開磕撞傷痕以致事無明決。夫將身就物謂之磕。與物相遇謂之撞。其傷止在仰面頭額等處。自損不甚重。雖傷未必至死。原無向後磕撞傷損背肋之理。若因鬪毆打跌致傷腦後背肋者。蓋由兇犯用強推跌傷重因而致死。務要辨驗仰而仆而看是重傷輕傷。不得妄報磕撞傷痕。庶使

刑無枉縱

驗傷及保辜總論

按殺人之獄。謀故者少。鬪毆者多。而鬪毆之律。重在保辜。謂以毆傷之人。責付毆者。調理醫療。照律立限。限滿之日。定罪發落。蓋毆傷者之親屬。苟非慈親孝子。鮮不利其死。以爲索詐財物之地。而毆人者。惟恐其抵償。則凡可以生全之者。無所不至。是保辜之設。正欲全活兩人性命。乃律之良法美意也。凡宰州縣者。一有鬪毆之事。著地方卽時首報。若告者已至。而地方未報。卽重責之。人命屍親。不是父兄伯叔。便是

弟姪妻子被毆之日。卽解衣共見。須問被毆之人年若干歲。某月某日某時。被某某用何兇器。毆打某處。見今某處斜傷。長若干。濶若干。某處圓傷。橫若干。圍若干。青色紅色。有腫無腫。曾否皮破骨裂。某某見証。卽照狀式。告辜到官。喚問地方。果係重傷。卽不許扛擡赴驗。恐破傷處。中風致殞。卽時親行。匹馬肩輿。少帶人從。詣彼相驗。登記傷痕。限以保辜日期。責令兇犯領至家中。用心調治。案候在官。身死之日。卽照狀式告檢。官照辜狀。原供傷痕。依法檢驗。致命等傷。稍

有疑似卽加審覆。能詳慎于始卽可爲他日干連人等全活數命。果係裝誣。明立文案。以杜後端。果係眞犯。卽取具供招。以塞求請。仍嚴責吏件。限同原被干証。取四不扶同甘結。定招擬罪之時。更須詳慎。務使情節了然明白。此心確然無疑。庶生死兩不含冤。亦省後來駁勘。耽延歲月。苦累多人。如被毆不告辜限者。除登時打死。及在三日之內者。姑准檢究外。其餘死後告人命者。須防假傷誣詐。若人命不先告官。而乘機糾衆扛屍上門搶財傷人者。抵填之外亦須引

例問斷其辜限日期。係隔月者。要查大建小建。此生
死出入之界。不可不慎也。大抵屍當速相。而不可輕
檢。骸可詳檢。而不可輕拆。凡上司官招擬批駁情節
不明者。止審情節。屍傷欠確者。方檢屍傷。不得一槩
煩擾。

凡相毆有致命之處。有致命之傷。頂心顙門耳根咽
喉。心坎腰眼小腹腎囊。此速死之處。腦後額顙胸膈
脊背脇肋。此必死之處。肉青黑皮破肉綻骨裂腦出
血流。此致命之傷。致命之傷當速死之處。不得過三

日○當○必○死○之○處○不○得○過○十○日○若○當○致○命○之○處○而○傷○輕○或○極○重○之○傷○而○非○致○命○之○處○雖○死○於○限○內○當○推○別○情○不○可○一○概○坐○死○況○死○於○限○外○乎○

保辜爲人命關頭。一經告官。務須親眼驗看。按傷勒限。倘失調殞命。計算時刻。以定辜限內外。并將被傷時刻。明立文案。

屍格

一人獨毆一人至死無論致命不致命皆擬抵償若兩人共毆一人至死以致命論抵

一仰面致命

共十六處

頂心

偏左

偏右

顙門

額顙

額角

兩太陽穴

左右

兩耳竅

左右

咽喉

胸膛

兩乳

左右

心坎

肚腹

兩脇

左右

臍

肚

腎囊

婦人產門女子陰戶

一仰而不致命

共三處

兩眉

左右

眉叢

左右

兩眼胞

左右

兩眼睛

左右

兩腮頰

左右

兩耳

左右

兩耳輪

左右

兩耳垂

左右

鼻準

梁

鼻竅

左右

人中

上下唇吻

上下牙齒口舌。

領頰。左

頰音僊。類音孩。

食氣噪。

兩血盆骨。左

兩肩甲。左

兩腋肌。左

兩胎

膊。左

兩曲肱。左

兩手腕。左

兩手。

兩手心。

十指。十指肚。

十指甲縫。

兩肋。左

兩勝。

左莖物。

兩腿。左

兩膝。左

兩臙肋。左

兩

脚腕。左

兩脚面。左

十趾。

十趾甲。

一合面致命。共六處。

腦後。

兩耳根。左

脊背。

脊

膂。兩後脇。左

腰眼。左

一合面不致命。髮際。

項頸。

兩臂膊。左

兩肱

肘。左

兩手腕。右左

兩手背。右左

十指。右左 十指

甲。右左

兩後肋。右左

兩臀。右左

穀道。

兩腿。右左

兩曲肱。右左

兩腿肚。右左

兩脚蹠。右左

蹠音瓦

兩

脚根。右左

兩脚心。右左


十趾。右左

十趾肚。右左

十

趾甲縫。右左

屍圖合面



驗屍

凡驗屍多備葱椒鹽白梅并精防其痕損不見處藉

以掩音還仍帶一砂盆并槌研物件

驗屍不可避臭惡切不可令伴作人等遮閉玉莖產
門之類大有所誤

檢出致命要害處方可押屍親兇手及親屬令見切
不可容令近前恐損害屍體

仰面從頭檢起量髮長若干有無破人並有無破人擊開頭

髮檢頭上頂心致連顙門命致有無他故如如害之類

偏左右。致額顙。致左右額角。致左右太陽穴。致有無

他故。如他物傷痕。或自打。兩眉眉叢。左右眼胞。眼

睛。或開或閉。如閉。有無他故。左右腮。掌。有無

可取。看面頰。有無刺。字。或已。川。藥。起。去。兩耳耳輪。耳垂

不致。命。有無。口。安。耳竅。致。命。有無。鼻。梁。鼻。準。左。右。鼻。竅。

有無。人中。上。下。脣。口。或。閉。牙。齒。不。全。舌。不。出。兩。額。顙。

不致。有無他故。咽喉。致。有無他故。內。川。銀。不。黑。外。看。

傷痕。致。命。有無。食。氣。噪。用。手。搥。打。左。右。血。盆。骨。肩。甲。腋。

肌。內。通。筋。骨。胎。膊。肱。手。腕。手。心。十。指。十。指。十。指。

甲縫以上雖不致命若骨損折及指甲有無他故胸

膻致左右乳致命婦人心坎致肚腹致左右肋不致

左右脇致臍肚致左右膀有無他故莖物腎囊致命

兩腎子全與不全婦人有無他故如失刀等類左右

言產門女子言陰戶

腿膝臙肋脚腕脚面十趾十趾甲以上雖不致命若骨損折將養不效

亦可有無他故合面檢腦後致我命乘枕骨有無髮

死有無他故項頸左右耳根致有無他故臂膊肱肘

手腕手背十指十指甲全與不全以上雖不致命若骨損折將養不效亦可死

脊背致命有脊膂致命左右後肋不致後脇致腰眼致

穀道有無他故。左右臀腿。有無腫脹腿肚。雖不致命。杖痕。傷重亦可。

致有無他故。左右脚踝。不致命。若內外有傷。定是打損。夾。若只外面有傷。定是打損。

左右脚根。脚心十趾。十趾肚。十趾甲縫。以上雖不致命。若骨損折。

將養不效。有無他故。○看其人年約多少。身長多少。亦可死。

膀闊多少。某處有傷損。磕擦痕。或青黯。紫黯。赤黯。黑

黯。並量見大小深淺分寸。定執致命之因。某處有雕

青。灸癰瘡。痂。開寫新舊有無膿血。某處現患疥癬。癰

癰。及暗記之類。並一一聲說。如無亦聲說分明。

驗屍并骨傷損處。痕跡未見。用糟醋。潑。屍首。於露

天將新油絹或油明雨傘覆欲見處迎日隔傘看痕
卽見若陰雨以熱炭隔照或更隱而不見以白梅搗
爛攤在未見處更攤審細看猶未全見再以白梅取
肉加椒蔥鹽糟研作餅子火上煨令極熱烙損處下
先用紙襯之卽見

毆死者屍傷處不至骨損則肉緊貼在骨上用木衝
激亦不去指甲蹙之方脫肉貼處其痕損卽可見
身體本赤黑色死後變動作青脛音色其痕未見但
有可疑處先將水灑濕然後將蔥白拍碎塗痕處以

醋蘸

音費

紙蓋上候一時久除去以水洗其痕卽見若

屍上有數處青黑將水滴放青黑處是痕則硬水住不流不是痕處則軟水滴便流去

驗傷須用手指按其青紅處是傷堅硬指一起仍然青紅將水滴上水珠不散開便是真傷如係發變處將指一點起指卽是白色將水滴上水不停住發變是人腹內之血死後發散於外不能聚結故浮汎傷係生前受打氣絕血聚成傷蓋人之血附氣而行氣既壅而血亦壅故堅硬

凡眉叢食氣喉前後肋莖物髮際穀道等處圖格雖稱不致命然傷重卽死檢驗時最爲緊要

凡死人項後背上兩肋後腰腿內兩臀上兩腿後兩肱兩腳肚子上下有微赤色係本人一面仰臥停泊血墜所致不是別故身死

驗未埋屍

或在屋內地上或床上或屋前後露天之處或在山嶺溪澗草木上並先打量頓屍所在四至高低所離某處若干在溪澗之內上去山脚或岸幾許係何人

地上地名甚處。若屋內。係在何處。及上下有無物色。

蓋簞訖。方可昇。

音余

屍出驗。

先將屍脫去在身衣服。

係婦女并除去首飾。

自頭上至鞋襪。逐

一抄寫。或是隨身行李。亦開具名件。以溫水洗屍。一

遍訖。乃驗。未可使用糟醋。

驗已攢屍。

先驗墳係何人地上。地名甚處。土堆須量高若干尺。寸。長闊若干尺寸。及屍現攢殯在何人屋下。亦如前量之。

次看屍頭脚所向。如頭東脚西之類。頭離某處若干。脚離某處若干。左右亦如之。對衆爬開浮土。或取去攢磚。看其屍用何物盛。簞如棺木有無。漆飾席有無。沿椁及襯簞之類。昇出開拆。取屍於光明處驗之。

洗罨遺

昇音余屍於平穩光明地上。先乾檢一遍。用水衝洗。次

按音餅阜角。洗滌屍垢膩。又以水衝蕩潔淨。洗時下用門扇簾席

視恐惹塵土。洗訖。如法用糟醋擁罨。仍以死人衣物盡蓋。

用煮醋淋。又以薦蓆罨一時久。候屍體透軟。卽去蓋

物。以水衝去糟醋。方驗。不得輕信作作。只將酒醋潑

過。痕損不出。

宜多備糟醋。○視屍紙。惟有藤連紙。白抄紙可用。若

竹紙見鹽醋多爛。恐侵損屍體。

初春與冬月宜熱煮醋及炒糟令熱用仲春與殘秋宜微熱。

夏秋之內糟醋微熱以天氣炎熱恐傷皮肉。

秋將深則用熱去屍左右手肋三四尺加火燂之。音燂

脅火迫也。

冬雪寒凜屍首僵凍糟醋雖極熱被衣重疊擁罨亦不得屍體透軟。當掘坑長闊如屍深三尺取炭及木柴遍鋪坑內以火燒令通紅多以醋潑之氣勃勃然方連擁罨之物襯單昇屍置於坑內仍川衣服覆蓋蓋。

再用熱醋淋遍坑兩邊相去二三尺復以火烘約透
去火移屍出驗

冬殘春初不必掘坑只用火烘兩邊看節候詳度

湖南驗屍皆於屍旁開一深坑用火燒紅去火
入屍在坑內潑上糟醋又四面用火逼良久扛
出屍或行兇人爭痕損或死人骨肉相爭不肯
認至於有三次扛入火坑重檢者人屍至三
四次經火肉色皆焦赤痕損愈不分明吏與件
作因此爲姦未至一二月間肉皆潰爛再至委
員覆檢或止有骨殖肉上痕損並不
得而知火坑之法不可不嚴禁之

初檢

初檢時。如問是爭鬪分明。雖經多日。亦不得稱屍首壞爛。無憑檢驗。須仔細看痕損。及要害致死之因。若委是日久變動。方稱屍首不任撥擺。

凡檢屍有無傷損訖。就檢處視筆屍首在物上。復以物蓋候畢。周圍用灰印。記有若干枚。交與守屍地保人等看守。立狀附案。免致被人殘害傷損屍首。

覆檢

若屍經多日。頭面胖脹。皮髮脫落。唇口翻張。兩眼突

出蛆蟲啗食。委實壞爛。不堪措手。若係刃傷。他物拳
手足。踢傷痕虛處。方可作無憑覆檢。若是他物及刃
傷骨損。宜衝洗仔細驗之。卽於狀內聲說致命根由。
不可作無憑檢驗。

覆檢官驗訖。如無爭論。方可給屍與親屬。無親屬者。
責付本地方埋瘞。音意埋也勒令看守。不得火化及散落。

如有爭論。未可給屍。且掘一坑。就所簞物。昇屍安頓
坑內。上以門扇掩蓋。用土罨瘞作堆。周圍用灰印印
記。以備後再檢覆。仍令看守人立狀附案。

凡初覆檢訖屍親鄰保並令看守屍首切不可同解到官徒使擾累但解兇身干証若要提人再行拘喚

辨四時屍變

春三月屍經兩三日。口鼻肚皮兩脇胸前肉色微青。經十日則口鼻耳內有惡汁流出。胖脹浮皮起。肥人如此。久病及瘦人半月後方有此形。

夏三月屍經一兩日。先從面上肚皮兩脇胸前肉色變動。經兩三日。口鼻內汁流蛆出。遍身胖脹。口唇翻。皮膚脫爛。炮音軫起。經四五日髮落。

暑月。殮屍損處浮皮多白。不損處却青黑。不見的實痕。若避臭穢。不仔細檢過。往往誤事。稍或疑處。浮皮

須要剝去。如有傷損。底下血脈分明。

暑月。九竅內未有蛆蟲。却於太陽穴髮際內。兩脇腹內。先有蛆出。必此處有損。

秋。三月。屍經二三日。亦先從面上。肚皮。兩脇胸前肉色變動。經四五日。口鼻內汁流蛆出。遍身胖脹。口唇翻。炮胗起。經六七日。髮脫。

冬。三月。屍經四五日。身體肉色黃紫微變。經半月後。先從面上。口鼻兩脇胸前。變動。或安在濕地。用薦席裏埋。其屍卒難變動。更詳月頭月尾。按春秋節氣定。

之。

盛熱屍首經一日。卽皮肉變動。作青黯色。有氣息。經三四日。皮肉漸壞。屍脹蛆出。口鼻汁流。頭髮漸脫。春秋氣候和平。兩三日可比夏一日。八九月可比夏三四日。盛寒五日。比盛熱一日。盛寒半月。比盛熱三四日。

人有肥瘦老少。肥少者易壞。老瘦者難壞。南北氣候不同。山內寒暄不常。更在臨時通變審察。

辨傷真偽

檢未腐之屍。止驗其紅腫破爛。及傷之致命與否。若色之青與紫。則不問。緣於發變之色皆然故也。若檢骨。則有紅赤青紫黑黯。各色傷痕。其造作紅赤。乃用真紅花。及蘇木。烏梅。熬作膏子。加白礬。點入骨上。以煮滾之醋潑之。則紅赤深淺。一如真傷之色。紫用蘇木及茜音倩草。法如前。青與黑。或用皂礬。或五倍子。醋熬濃汁。以礬梔之多寡。爲青黑之深淺。粗可亂真。然色終呆板堆積。絕無癢腳暈痕。全在臨檢時加意。不

可稍忽。

生前毆打而死者。傷痕有紫赤血暈。若死後有將青竹篦火燒烙成傷痕。詐稱打者。其痕焦黑色淺平。不硬。有將樺樹皮罨成痕者。其肉爛損黑色。四圍青色。聚成一片而無虛腫。捺亦不堅硬。又有用火罐拔成假傷。形似拳手。但週圍一圈焦赤。肉黃色。雖浮高亦不堅硬。

昔長沙縣有訟圖者。甲乙各稱受傷。色青赤。甲強乙弱。爭辯不明。官召之使前。自以指捏之。曰乙真甲僞。詰之果服。蓋南方有樺柳以葉塗膚則青赤。若毆傷。剝去皮。橫膚上。用火熨之。則如

格傷木洗不落。蓋毆傷血聚肉硬。偽者不然。故知之。格音陪。

凡傷以瘡暈爲主。瘡之爲形。要皆自近而遠。由深漸淺。自濃及淡。而將盡之處。又皆如雲霞如雨脚。如晴雲之若有若無。可望而不可卽。鮮潤淡宕。要皆自然之氣所致。故其色活。此爲檢傷綱領。如紅自紅。紫自紫。呆板積於一處。瘡脚全無。則偽造也。

檢驗時。將新白布。或棉紙。投放所用酒醋內。試看。若有弊。則紙布變色。不變卽無弊。

件作人等受罵。多以苦草投醋內。塗傷損處。痕皆不見。以甘草木解之。則見。

有等奸民買屍做傷妄告人命訪得人家新葬問其是女是男多者數十金少者十數金貪財奸民不顧親屬情願賣與檢驗自己投作証人又買作作以阜礮五格蘇木等製造淺淡青紅等傷任口喝報此係法外之奸務須審出實情以懲刁惡

驗婦女屍

胎孕 孩屍

驗處女屍。剖四至訖。昇出光明平穩處所。先令穩婆剪去中指甲。用綿包紮。眼同屍親。並鄰婦二三人。令穩婆將綿紮指頭。於陰戶內試。有黯血。卽是處女。無卽非。

凡驗婦人無痕損處。須看陰門。恐自此進刃於腹內。離皮淺則臍上下微有血沁。深則無。

婦人因產門受傷身死。皮肉消化者。其顙門骨并架骨俱紫赤色。

架骨橫環小腹之下。與後尾蛆骨相連者也。

婦人有胎孕不明致死者。令穩婆驗腹內有無胎孕。如有孕。心下至肚臍。以手拍之。堅如鐵石。無則軟。

有孕婦人被殺。或因產子不下身死。屍經埋地。至檢

時却有死孩兒出。

屍埋土窖。因地木火風吹。死人屍首脹滿。骨節縫開。故逐出腹內胎

孩。亦有臍帶之類。皆在屍脚下。產門有血水惡物流出。

昔崇德州石門鄉。有一孕婦屍。殞殮入棺。懷胎在腹。後因發覺。開箱初檢。則死胎已出。在母親袴中。又一孕婦落水死。初檢所懷胎孕亦在腹中。覆檢之後。親屬領屍未殮。胎亦自出。此二死胎並未經埋地。害俱各出離母腹。

凡寡婦處女。或少時腹內癥瘕。後因婚配。陰陽氣和。

向時結塊自下多似胎孕。則疑似難明。須知胎孕必有衣膜。癰瘰止是血塊。其或成形如鱉如蛇等。則受異氣所致。亦有結成鬼胎者。此不可不辨。

凡胎孕傷墮。須令穩婆定胎月數。已未成形。取供附卷。若形象未足者。止有血塊。久爛則化為惡水。不得

作傷墮胎孕論。

考胎形一月如露珠。二月如桃花。三月分男女。四月形像具。五月骨節成。

六月毛髮生。七月動右手。八月動左手。九月動右手。十月滿足。

產門血水惡物流出。驗是產子不下。致命身死。或是有妊。用墮胎藥致命身死。此在問官詳慎體問。至於用銀釵入產門試驗之法。不可為憑。蓋墮胎氣血傷敗而死。非中其藥之毒而死也。

如使銀釵可驗。則或有服墮胎藥身死者。亦將如中毒服毒法乎。且使銀釵試之。而色不變。將遂定其非以毒藥墮胎身死乎。更宜詳之。

小孩在母腹中被驚死者。胞衣紫黑色。血瘰軟弱。生下死者。孩屍淡紅。胞衣白。如生下將子致死。圖賴人。或有掐搦其喉。或有跣踏喉外。閉氣而死者。須用手按驗其喉。食氣。喉必塌。面色紫赤。或紫黑。若孩年十歲之外。搦踏致死。手足或沿身上下有捉定。揉撲傷痕。

白僵

先鋪炭灰約與屍身長闊。上鋪薄布可與灰等。以水噴微濕。卧屍於上。仍以布覆蓋頭面肢體。訖用炭灰鋪擁令遍。以布覆之。復用水遍洒。一時久其屍皮肉必軟起。乃揭所鋪布與灰看。若皮肉軟起。方可以熱醋洗之。於驗損處以椒葱鹽同白梅和糟研爛拍作餅子。火內煨令熱。先用紙搭在屍上。次以糟餅罨之。其痕損必見。

僵屍皮肉傷痕隱伏者。用糟五斤入蘇黃末甘草末

各三兩。煮成粥。候溫。徧塗屍身。掘地作坑。如冬月蒸
罨法。燒熱多。潑酒醋。昇屍置坑內。絮薦密蓋。別以淨
冰一鍋。入燒酒二斤。煮白布二方。俟屍軟。抬至平明
處。細細拭淨。其傷卽見。

驗已爛屍

量四至訖。用水衝去蛆蟲穢臭。皮肉乾淨方可驗。未用糟醋。頻將新汲水澆屍首四面。

屍首壞爛。被打或刃傷處。皮肉作赤色。深重作青黑色。貼骨不壞。蟲不能食。

凡驗原被殺傷屍壞。蛆蟲啞食。只存骸骨者。其被傷處。血粘骨上。有乾黑血爲証。若無傷而骨有破損。其損處如頭髮露痕。又如瓦器龜裂。沉淹損路爲証。

凡無憑檢驗之屍。須聲明頭髮脫落。曲髮頭面遍身。

皮肉並皆一概青黑。燐音楊皮壞爛。及被蛆蟲啞破。骨殖顯露去處。

如皮肉消化。須聲明骸骨顯露。上下皮肉並皆一概消化。或只有些小消化。不及筋肉。與骨殖相連。其本屍沿身上下。有無傷損他故。及生前年貌形狀。致死因由。委是無憑檢驗。并用手揣捏得沿身上下。並無骨損去處。

驗骨

人有三百六十五節。按周天三百六十五度。男子骨白。婦人骨黑。

髑髀骨。男子自項及耳。并腦後共八片。

蔡州人腦後有九片。

橫一縫。當正直下至髮際。別有一直縫。婦人只六片。腦後橫一縫。當正直下無縫。

牙有二十四。或二十八。或三十二。或三十六。胸前骨三條。

心骨一片。狀如錢大。

項與脊骨各十二節。

自項至腰共二十四髓骨。上有一大髓骨。人身項骨五節。背骨十九節。合之得二十有四。是項之大髓。卽在二十四骨之內。髓音垂。

肩井及左右飯匙骨各一片。

左右肋骨男子各十二條。八條長。四條短。婦人各十四條。

男女腰間各有一骨。大如掌。有八孔。作四行樣。

手腳骨各二段。男子左右手腕及左右廉肘骨邊皆有髌骨。婦人無兩足膝頭各有額骨。隱在其間。如大指

大。手掌脚板各五縫。手脚大拇指并脚第五指各二節。餘十四指並三節。

尾蛆骨。若猪腰子。仰在骨節下。男子者其綴脊處四兩邊皆有尖瓣如稜角。周布九竅。婦人者其綴脊處平直。周布六竅。大小便處各一竅。

骸骨各用蔞草小索。或細篾串訖。各以紙簽標號某骨。檢驗時不致妄誤。

左右肋骨男子各十二條。八條長四條短。婦人各十二條。左右皆軟骨。似骨非骨。本係左右各一條。及屍久至三四月後。此骨中斷。橫之但得血條。一年後則消化矣。請俾候驗。亦有軟骨腎囊等處。日久即有銷銹之說。查古書州永康縣符清一身屍。檢得軟骨四條。合之原係二條。後經吏檢檢官以洗冤錄檢骨第二

條內煮千百滾之說。而此骨竟煮化無存。故精骨者。先須將此骨收起。不入鍋內。又安連肺曾毛仔。一年之後。起展。而此兩條已無存。是謂曾毛仔係十餘歲小兒。其軟骨。更易消化。又按軟骨中間。原有界節。以肋連展。展久肋化。故其骨如新。

檢骨

檢骨須是晴明。先以淨水洗骨。用麻穿定形骸次第。以簞子盛音定却鋤開地窖一穴。長五尺。闊三尺。深二尺。多以柴炭燒煨。以地紅爲度。除去火。卽以好酒二升。酸醋五升。潑地窖內。乘熱氣。扛骨入穴內。以藁薦遮定。蒸骨一兩時。候地冷。取出薦扛出骨殖。向平明處。將紅油傘遮屍骨驗。陰雨不得已。則用煮法。以甕一口。如鍋煮物。以炭火煮醋。多入鹽白梅同骨煎。須親臨監視。候千百滾。取出水洗。向明照之。其痕卽

見血皆浸骨損處赤色青黑色仍細驗有無破裂
遇陰雨不可檢不必盡用煮法惟將杭州黃油新雨
傘罩定屍骨則傷之在骨內者毫髮畢露

年久屍骨所有傷痕爲風雨剝蝕或因蒸檢多次久

而莓

音枚

暗傷隱骨中亦惟置之日中將黃油雨傘罩

定則骨上傷痕朗然

煮骨不得見錫見錫則骨多黯

煮骨時忌作作煎藥置藥水中令骨色昏黯血
瘰癧糊不可稽辨者用麻黃甘草二味爲末各
二兩於水沸時投入煮過取骨淨水洗拭依法
按圖穿定入地窖蒸之新舊痕損無不畢見

或經三兩次洗濯。其色白。與無損同。當將合驗損處。骨以油灌之。其骨大者有縫。小者有竅。候油溢出。則揩拭令乾。向明照之。損處油到。卽停住。不行明亮處。則無損。此法見醫書。凡骨有損。其縫處。油到。必主流。于骨外。指列。理氣。疑似。則。實。其。他。如。獨。散。則。水。熱。故。等。食。更。無。可。清。不。若。此。法。更。捷。用。好。墨。塗。元。其。洗。去。傷。處。可。見。也。

一法。濃磨好墨。塗骨上。候乾。卽洗去墨。如有損處。則墨必浸入。無損處。則墨不浸入。

又法。用新綿于骨上拂拭。遇損處。必牽惹綿絲起。再看折處。其骨芒刺向裏。或外。毆打折者。芒刺在裏。在外者非。若髑髏骨有他故處。骨青。骨折處。滯淤血。

檢骨仔細看骨上有青暈。或紫黑暈。長是他物。圓是拳。大是頭撞。小是腳尖。

攤。奄。檢。訖。件作喝。四縫骸骨。謂屍仰臥。自髑髏喝頂心。至額門骨。鼻梁骨。額頰骨。并口骨。並全。兩眼眶。兩額角。兩太陽。兩耳。兩腮。腠骨。並全。兩肩。并兩臆骨。全。胸前龜子骨。心坎骨。全。

左臂腕。手。及髀骨。全。左肋骨。全。左膀。左腿。左膝。肘。並髀骨。及左腳踝骨。腳掌骨。並全。右亦如之。

翻轉喝。腦後乘枕骨。脊下至尾蛆骨。並全。

驗骨訖。自髑髏肩井臆骨并臂腕手骨及跨骨腰腿
骨。臑肋膝蓋并髀骨竝標號左右。其肋骨共二十四
莖。左右各十二莖。分左右。係左第一。左第二。右第一。
右第二之類。莖莖依次題訖。內脊骨二十四節。亦自
上題一二三四。連尾蛆骨處號之。竝智前龜子骨。心
坎骨亦號之。庶易於檢湊。兩肩兩膀兩腕皆有蓋骨。尋常不係在骨之數。經打
傷損方入衆骨係數。先用紙數重包定。次用油單紙裏三四重。
將繩索紮繫作三四處。封印押記。用桶一隻盛之。上
以板蓋。掘坑埋瘞。作堆標記。仍用灰印。

檢骨辨生前死後傷

骨上有被打處。卽有紅色。路微癢。骨斷處。其接續兩頭。各有血暈色。再以有痕骨。日中照看。如紅活。乃是生前被毆分明。骨上若無血癢。縱有損折。乃死後痕。凡人身皆有舊痕。如幼時跌撲。平日爭毆。及杖痕瘡。癢雖久平復。其痕不滅。色跡淺黑。至死猶著。蓋其血既凝。終身不能如故。但周圍無餘暈。按之虛平。視之色黯。其骨肉皆與新毆傷痕有辨。

論沿身骨脈

人兩手指甲相連者小節。小節之後中節。中節之後者本節。本節之後肢骨之前生掌骨。掌骨上生掌肉。掌肉後可屈曲者腕。腕左起高骨者手外踝。右起高骨者右手踝。二踝相連生者臂骨。輔臂骨者髀骨。三骨相繼者肘骨。前可屈曲者曲肘。曲肘上生者臑音奴骨。臑骨上生者肩髃。音魚。臑前肉也。肩髃之前者橫髃骨。橫髃骨之前者髀骨。髀骨之中陷者缺盆。即血盆骨。缺盆之上者頸。頸之前者嚚喉。嚚喉之上者結喉。結喉之

上者肱。肱兩旁者曲頷。曲頷兩旁者頤。頤兩旁者頰。
車。頰車上者耳。耳上者曲鬢。曲鬢上行者頂。頂前者
額門。額門之下者髮際。髮際正下者額。額下者眉際。
眉際之末者太陽穴。太陽穴前者目。目兩旁者兩小
眦。音慈兩小眦上者上臉。下者下臉。正位能瞻視者目
瞳子。瞳子近鼻者兩大眦。近兩大眦者鼻山根。鼻山
根上印堂。印堂上者腦角。腦角下者承枕骨。脊骨下
橫生者髓。音骨。髓兩髓骨兩旁者釵骨。釵骨下中者
腰門骨。釵骨下連生者腿骨。腿骨下可屈曲者曲脈。

曲脉上生者膝蓋骨。膝蓋骨下生者脛骨。脛骨旁生者脛骨。音骨。脛骨下外起高大者兩足外踝。內起高大者兩足內踝。脛骨前垂者兩足跂骨。跂骨前者足本節。本節前者小節。小節相連者足指甲。指甲後生者足前跌。跌後凹陷者足心。下生者足掌骨。掌骨後生者踵。內骨。踵後生者脚跟也。

以上就男女週身骨節實處言之。凡骨化而傷不化。有骨可檢也。其耳根軟肋小腹腎囊陰戶雖屬致命要處。但日久腐化。然檢亦有法。詳於踢傷條內。○脾骨中陷之血盆。喉上之結喉。曲鬚上之頂心。肩際末之太陽。與背鼻山根印堂。腦角並銀骨下腰門。皆致命要處。檢時最宜

細看。蓋他骨一傷。不過成殘
疾。此數處若傷。立致畢命。

滴血

父母骸骨在他處。子女欲相認。令以身上刺出血滴
骨上。親生者。則血入骨。非則否。聞有合血之法。兩人
各刺血。滴一木內。如
係于母。父子夫妻。其血即合一。否則不相屬。骨經鹽
水洗過。雖實爲父子。滴血亦不能入。此作奸之法。不
可預防。親子兄弟。或自幼分離。欲相識認。難辨真僞。令
各刺出血。滴一器之內。真則共凝爲一。否則不凝也。
但生血見鹽醋則無不凝者。故有以鹽醋先擦器皿。
作奸朦混。凡驗滴血時。先將所用之器。當面洗淨。或
於店舖特取新器。則其奸自破矣。

滴血辨

滴骨之法。孫亦可以驗祖。至夫婦各一父母。原非一體之分。滴骨豈能或受。如曰滴之而受。則懷抱他人初產之子。而乳之以長者。此子後天之質。俱資此母血氣。滋化而成。滴之不愈。當入乎。恐未然矣。再滴血入水者。若器大水多。兩血相去遠。卽不能合。或滴入時略有前後。則血有冷熱之別。亦不能合也。

檢地

有等極惡之人將人打死燒燬棄擲竟無骨可檢必
爲詳究其打死何時燒燬何地但得其焚屍之地衆
証分明則屍傷便可立檢法當於其燒屍處設立屍
場令兇手見証親爲指明將草芟淨多用柴薪燒令
極熱取胡麻數斗撮上用帚掃之如果係在彼燒化
則麻內之油沁入土中卽成人形其被傷之處麻卽
聚結於上大小方圓長短斜正一如其狀凡所未傷
之處則毫不沾戀旣已得其傷形然無可見之痕又

將所戀之麻盡行除去。將係人形所在。猛火再燒。和糟水潑上。再猛燒極熱。烹之以醋。急用明亮新金漆。桌覆上。少頃取驗。則桌面之上。全具人形。凡係傷痕。纖毫畢見。

若荒郊曠野。相沿日久。卽本犯亦忘其定在。惟嚴究係某莊之何方。某廟之何側。相去約若干里。衆口如同。須親臨其地。令人遍擇草之高大肥澤處。所與兩旁之草有異者。則標以誌之。蓋焚屍之地。其草必深黑油潤。高大異於衆草。至久不易。因人之脂膏深入。

草根爲日雖久草終暢茂如係山野草澤之旁素產
蒿萊之所則更加高大竟同人形若於有山石處焚
燒則以石之碎裂爲憑更復顯而易見